

四庫全書

集部

欽定四庫全書

御定佩文齋詠物詩選卷四百七十七

蟬類

五言古

聽早蟬

梁簡文帝

草歇鴟鳴初蟬思花落後乍飲三危露時陰五官柳壯  
書晒鵬翼衛賦宜螭首桂樹可淹留勿謂山中久

聽鳴蟬應詔

梁沈約

輕生宅園籊復得棲嘉樹豈敢擅洪枝柔條遭所遇葉  
密形易揚風迴響難住

詠早蟬

梁  
范雲

生隨春水薄質與秋塵輕端綏挹霄液飛音承露清

後堂聽蟬

梁  
蕭子範

試逐微風遠聊隨夏葉繁輕飛避楚雀飲露入吳園流  
音繞叢藿餘響切高軒借問邊城客馳情寧可言

賦得蟬

梁  
褚綬

避雀芳枝裏飛空華殿曲天寒響屢嘶日暮聲愈促繁  
吟如欲盡長韻還相續飲露非表清輕身易知足

同陸廷尉驚早蟬

梁沈君攸

日暮野風生林蟬候節鳴望枝疑數處尋空定一聲地  
幽吟不斷葉動噪羣驚獨有河陽令偏嫌秋翅輕

賦得秋蟬咽柳應衡陽王教

陳張正見

秋氣爽遙天園柳集驚蟬競噪長枝裏爭飛落木前風  
高知響急樹近覺聲連長楊流唱盡詎識蔡邕絃

郊園聞蟬寄諸弟

唐韋應物

去歲郊園別聞蟬在蘭省今歲卧南譙蟬鳴歸路永夕  
響依山郭餘聲散秋景緘書報此時此心方耿耿

開成二年夏聞新蟬贈夢得

唐白居易

十年與君別常感新蟬鳴今年共君聽同在洛陽城噪  
處知林靜聞時覺景清涼風忽嫋嫋秋思先秋生殘槿  
花邊立老槐陰下行雖無索居恨還動長年情且喜未  
聾耳年年聞此聲

早蟬

白居易

六月初七日江頭蟬始鳴  
石楠深葉裏薄暮兩三聲  
一催衰鬢色再改故園情  
西風殊未起秋思先秋生  
憶昔在東掖宮槐花下聽  
今朝無限思雲樹遶湓城

早蟬

白居易

月出先照山風生先動水  
亦如早蟬聲先入閒人耳  
一聞愁意結再聽鄉心起  
渭上新蟬聲先聽渾相似  
衡門有誰聽日暮槐花裏

春蟬

唐元稹

我自東歸日厭苦春鳩聲作詩憐化工不遣春蟬生及  
來商山道山深氣不平春秋兩相似蟲豸百種鳴風松  
不成韻蜩蟬沸如羹豈無朝陽鳳羞與微物爭安得天  
上雨奔渾河海傾蕩滌反時氣然後好晴明

聞蟬

唐鮑溶

高蟬旦夕吟景物浮涼氣木葉漸驚年錦字因絡緯稍  
斷當窓夢更淒臨水意清香筍蒂風曉露蓮花淚餘引

未全歇凝悲尋迴至星井欲望河月扇看藏笥誰念因  
聲感放歌寫人事

次韻和子儀聞蟬

宋

黃庶

落日掛樹間長我亭下陰園林動秋意高蟬忽微吟清  
風轉餘聲杳若下遠岑微物感時節鏗錡吐商金古樂  
久破碎茲蟲抱全音荒忽尚偃蹇激起壯士心願為秋  
蟬操被之朱絲琴

雨餘聞蟬

明

張羽



邨園夏雨歇衆綠陰已成高齋掩畫寂新蟬今始鳴嘈  
嘈斷更續嘒嘒遠還輕響悲逐涼吹歡謝引離情屬耳  
念已集感物襟易盈煩聒方自此稍待秋林清

五言律

新蟬

唐耿 漳

今朝蟬忽鳴遷客若為情便覺一年謝能令萬感生微  
風方滿樹落日稍沈城為問同懷者淒涼聽幾聲

和尉遲侍御夏杪聞蟬

唐戴叔倫

楚人方苦熱，柱史獨聞蟬。  
晴日暮江上，驚風一葉前。  
蕩搖清管雜幽咽，野風傳旅舍。  
聞君聽無由，更盡眠。

答夢得聞蟬見寄

唐白居易

開緘思浩然，獨詠晚風前。  
人貌非今日，蟬聲似去年。  
槐花新雨後，柳影欲秋天。  
聽罷無他計，相思又一篇。

聞蟬寄賈島

唐姚合

未秋吟更苦，半咽半隨風。  
禪客心應亂，愁人耳願聾。  
雨晴高樹裏，日晚古城  
中。遠思應難盡，誰當與我同。

蟬

唐  
李商隱

本以高難飽徒勞恨費聲  
五更疎欲斷一樹碧無情  
薄宦梗猶泛故園蕪已平  
煩君最相警我亦舉家清

風蟬

唐  
趙嘏

風蟬旦夕鳴伴夜送秋聲  
故里客歸盡水邊身獨行  
噪軒高樹合驚枕暮山橫  
聽處無人見塵埃滿甌生

早蟬

唐  
薛能

不見上庭樹日高聲忽吟  
他人豈無耳遠客自關心  
暫

落還因雨橫飛亦向林分明去年意從此漸聞砧

蟬

唐  
陸龜蒙

祇憑風作使全仰柳為都一腹清何甚雙翎薄更無伴  
貂金換酒并雀畫成圖恐是千年恨偏令落日呼

早蟬

唐  
李咸用

門柳不連野乍聞為早蟬遊人無定處入耳更應先暫  
默斜陽雨重吟遠岸煙前年湘竹裏風激遶離筵

聞蟬

唐  
吳融

夏在先催過秋賒已被迎自應人不曾莫道物無情木  
葉縱未落鬢絲還易生西風正相亂休上夕陽城

鳴蜩

宋  
李 覲

雨餘雲漏日蟲思已喧喧時節還初夏聲音似故園為  
誰吟綠野相共送黃昏便是秋來信霜髯又幾根

聞蟬

金  
周 昂

冥機辭委蛻天籟發幽嘶迴露增晨洗清風借晚携暫  
成千里隔還望一枝低客思饒相觸鳴時故不齊

賦得蟬送別

明 高 啟

疎槐細雨中涼占一枝風  
蛻出形猶弱驚飛響未終  
雨來林館靜日落驛門空  
離管樽前發淒清調正同

始聞夏蟬

高 啟

翾翾纔得蛻咽咽未成喧  
翳葉誰能見南風綠繞軒  
乍驚變節物還念別郊園  
何待當秋聽方令羈思繁

雨後聞蟬

明 金大輿

一雨生涼思羈人感歲華  
蟬聲初到樹客夢不離家  
海

北人情異江南去路賒故園兒女在夜夜卜燈花

月下聞蟬

明僧道敷

林葉淨堪數山蟬吟未休今宵且趁月明日恐驚秋咽  
露忽沈樹因風旋入樓念能枯得盡總是不關愁

五言排律

谿館聽蟬聯句

唐耿漳

高樹多涼吹踈蟬足斷聲已催居客感更使別人驚晚  
夏猶知急新秋別有情危湍和不似細管學難成當數

附金重無貪曜火明青林四面落白髮一重生向夕音  
彌厲迎風翼更輕單嘶出迴樹餘響思空城嘒唳松間  
坐蕭寥竹裏行如何長飲露高潔未能名

聞蟬十二韻

唐許棠

造化生微物偏宜應候鳴初離何處樹又發去年聲未  
蛻惟愁動纔飛似解驚聞來鄰海徼恨起過邊城騷屑  
隨風遠悠揚類雪輕報秋涼漸至嘶月思偏清互默疑  
相答微搖似欲行繁音人已厭朽殼蟻猶爭朝士嚴冠



飾宮嬪逞鬢名亂依西日噪多引北歸情篠露疑潛汲  
蛛絲忽迸縈此時吟聽久萬緒一時生

寒蟬樹

唐  
沈鵬

一葉初飛日寒蟬益易驚入林慚質細依樹媿身輕大  
幹時容息喬枝或借鳴心由飲露淨響為逐風清忝有  
翩翾分應憐嘒唳聲不知微薄影早晚掛綏纓

七言律

夜蟬

唐  
唐彥謙

翠竹高梧夾後谿  
勁風危露雨淒淒  
那知北牖殘燈暗  
又送西樓片月低  
清夜更長應未已  
遠煙尋斷莫頻嘶  
羈人此夕如三歲  
不整寒衾待曙雞

蟬

金  
党懷英

槁壤陰潛罷轉丸  
飄飄便作飲中仙  
幽藂何處拳枯蛻  
別樹還來續斷絃  
小院日長清夢覺  
空庭人靜綠陰圓  
無情物化誰能料  
觸撥羈懷一慨然

秋蟬

明  
朱有燾

敗柳疎林寄此生涼時不似熱時鳴蛻形先覺金風動  
輕翼偏嫌玉露清抱葉常如經雨態過時猶帶咽寒聲  
桑間此際蝶蛸老游息安閒莫漫驚

和黃體方伴讀新蟬韻

明王翰

滿地殘花過雨天槐陰庭院響新蟬輕敲金奏當牕外  
閒撥銀箏向枕邊曉露吸殘青草岸晚風吹出綠楊煙  
家山深處林亭好曾被繁聲聒醉眠

庚戌九日是日間蟬

明貝瓊

今日出門風雨收  
東山西山須可遊  
那能束帶從王事  
且復開樽破客愁  
鴈別紫臺初避雪  
蟬鳴紅樹不知秋  
桃花細菊應相笑  
歲月無情自白頭

蟬琴

明  
朱之蕃

濃雲遠水接檐櫳  
一枕南薰兩腋風  
欲鼓更停傳絕調  
無絃有韻別枯桐  
不堪嵇散聊為適  
誰謂鍾期遇已空  
寄語螳螂休奮臂  
吾方游目送歸鴻

五言絕句

賦得弱柳鳴秋蟬

唐太宗

散影玉階柳含翠隱鳴蟬微形藏葉裏亂響生風前

秋蟬

唐虞世南

垂緜飲清露流響出疎桐居高聲自遠非是藉秋風

詠蟬

唐李百藥

清心自飲露哀響乍吟風未上華冠側先驚翳葉中

江行

唐錢起

見底高秋水開懷萬里天旅吟還有伴沙柳數枝蟬

畫蟬

唐  
戴叔倫

飲露身何潔吟風韻更長  
斜陽千萬樹無處避螳螂

新蟬

唐  
盧仝

泉溜潛幽咽琴鳴乍往還  
長風剪不斷還在樹枝間

蟬

唐  
薛濤

露滌清音遠風吹故葉齊  
聲聲似相接各在一枝棲

初入二里

宋  
文同

樹色交山色蟬聲雜鳥聲  
客懷殊不倦信馬此中行

宿簷簷鋪

宋朱子

庭陰雙樹合  
牕夕孤蟬吟  
盤礴解煩鬱  
超搖生道心

聞蟬

朱子

悄悄山郭暗  
故園應掩扉  
蟬聲深樹起  
林外夕陽稀

宿山寺聞蟬作

朱子

林葉經夏暗  
蟬聲今夕聞  
已驚為客意  
更值夕陽曛

詠蟬

明謝榛

弱翅凌晨動  
繁聲向夕流  
不知風露裏  
還得幾何秋

七言絕句

題友人山居

唐  
戴叔倫

四郭青山處處同  
客懷無計答秋風  
數家茅屋青谿上  
千樹蟬聲落日中

和崔駙馬聞蟬

唐  
張籍

鳳凰樓下多歡樂  
不覺秋風暮雨天  
應為昨來身暫病  
蟬聲得到耳傍邊

宮詞

唐  
王涯



迎風殿裏罷雲和起聽新蟬步淺莎為愛九天和露滴  
萬年枝上最聲多

酬姚合

唐賈島

黍穗豆苗侵古道晴原午後早秋時故人相憶僧來說  
楊柳無風蟬滿枝

聽蟬

唐趙嘏

噪蟬聲亂日初曛絃管樓中永不聞獨奈愁人數莖髮  
故園秋隔五湖雲

越中贈別

唐張喬

東越相逢幾醉眠，滿樓明月鏡湖邊。  
別離吟斷西陵渡，楊柳秋風兩岸蟬。

楊柳枝

唐司空圖

陶家五柳簇衡門，還有高情愛此君。  
何處更添詩境好，新蟬敲枕每先聞。

蟬

唐羅隱

天地工夫一不遺，與君聲調借君緌。  
風棲露飽今如此，

應忘當年滓濁時

新蟬

宋 寇準

寂寂官槐雨乍晴  
高枝微帶夕陽明  
臨風忽起悲秋思  
獨聽新蟬第一聲

聞蟬

宋 林景熙

近交紙薄雲翻手  
舊夢冠空雪滿顛  
却憶畫船曾聽處  
夕陽高柳斷橋邊

自天平嶺過高景菴

宋 范成大

卓筆峰前樹作團  
天平頂上石成關  
綠陰匝地無人過  
落日秋蟬滿四山

立秋後一日雨天欲暮小立問月亭

宋  
楊萬里

雨後林中別樣涼  
意行幽徑不知長  
風蟬幸是無心事  
強與閒人報夕陽

晚步追涼

楊萬里

雙眼偏明遠岫孤  
夕陽故遣樹陰疎  
蟬鳴葉底無尋處

隨意閒行偶見渠

秋暑

楊萬里

半柳斜陽半柳陰  
一蟬飛去一蟬吟  
岸巾亭子鉤欄角  
送眼江邨松樹林

秋行

宋徐璣

憂憂秋蟬響似箏  
聽蟬閒傍柳邊行  
小谿清水平如鏡  
一葉飛來細浪生

高昌館道中

金吳激

雨餘巖石古苔青  
松裏珠璣萬葉明  
渺渺綠畦看鷺立  
深深清樾有蟬鳴

風柳鳴蟬

金元好問

輕明雙翼曉風前  
一曲哀箏續斷絃  
移向別枝誰畫得  
只留殘響客愁邊

題子昂江天釣艇圖

元陳旅

雨餘秋水滿山前  
正是江南鴈落天  
何處故人漁艇小  
亂蟬疎樹夕陽邊

邨居

元周權

疎竹人家短短牆  
綠陰深處水邨涼  
山風吹斷巖前雨  
高樹蟬聲正夕陽

酬秦仲納涼

元張端

庭樹團團散夕陰  
浴蘭步履懶冠襟  
殘蟬只戀餘暉好  
故故長縑獨繭琴

漫成

元馬臻

雲歸雨歇湖水平  
五色蟬螭山邊明  
唱歌舟子采菱去

十里柳堤蟬亂鳴

一峰雲外菴和韻

元僧惟則

竹屋茶香滿澗煙綠杉深處響流泉  
目前有法誰能說  
落日微風一樹蟬

晚立西浦渡

明高啟

鬢絲微映釣絲輕  
水葉驚風細浪生  
誰見晚涼人立處  
數株楊柳一蟬鳴



御定佩文齋詠物詩選卷四百七十七

欽定四庫全書

御定佩文齋詠物詩選卷四百七十八

蝶類

五言古

詠蛺蝶

梁簡文帝

空園暮煙起  
逍遙獨未歸  
翠鬣藏高柳  
紅蓮拂水衣  
復此從風蝶  
雙雙花上飛  
寄語相知者  
同心終莫違

詠素蝶

梁劉孝綽

隨風繞綠蕙避雀隱青薇  
映日忽爭起因風乍共歸  
出沒花中見參差葉際飛  
芳華幸勿謝嘉樹欲相依

蜨蝶行

梁李鏡遠

青年已布澤微蟲應節歡  
朝出南園裏暮依華葉端  
菱舟追或易風池度更難  
羣飛終不遠還向玉階蘭

詠花蝶

北魏溫子昇

素蝶向林飛紅花逐風散  
花蝶俱不息紅素還相亂  
芬芬共襲手葳蕤徒可玩  
不慰行客心遽動離居歎

明月幾回滿

元范梈

明月幾回滿待君君未歸中庭步芳草蝴蝶上人衣誰  
念同袍者閒居與願違

七言古

附長短句

蝴蝶行

宋孔平仲

蝴蝶飛渡河來河北花已落河南花正開盈盈采花女  
撲蝶還家去推身飛入粉奩中芳草綿綿舊時路

夢題墨梅

元揭傒斯

霜空冥冥江水暮江上梅花千萬樹無端折得一枝歸  
一雙蝴蝶相隨飛

美人撲蝶圖

明 高 啟

花枝揚揚蝶宛宛風多力薄飛難遠美人一見空含情  
舞衣春來繡不成乍過簾前尋不見却入深叢避鴛燕  
一雙撲得和落花金粉香痕滿羅扇笑看獨向園中歸  
東家西家休亂飛

五言律

蝶

唐  
李商隱

飛來繡戶陰穿過畫樓深重傳秦臺粉輕塗漢殿金相  
兼惟柳絮所得是花心可要凌孤客邀為子夜吟

蝶

李商隱

初來小苑中稍與瑣闌通遠恐芳塵斷輕憂艷雪融只  
知防浩露不覺逆尖風回首雙飛燕乘時入綺櫳

蝶

唐  
羅隱

滕王刀筆精寫爾逼天生舞巧何妨急飛高所恨輕野

田黃雀慮山館主人情此物那堪作莊周夢不成

趙璘郎中席上賦蝴蝶

唐鄭谷

尋艷復尋香似閒還似忙暖煙沈蕙徑微雨宿花房書  
幌輕隨夢歌樓誤採妝王孫深屬意繡入舞衣裳

蛺蝶

唐吳融

兩兩自依依南園煙露微住時須並住飛處要交飛草  
淺憂驚吹花殘惜晚暉長教擷芳女夜夢遠人歸

秋日舟中見蝶

明楊基

趁暖戲晴川，依人上畫船。  
粉消煙翅薄，香冷露鬚拳。  
野菜疎籬外，山花小徑邊。  
夜深桃李夢，猶在綺羅筵。

七言律

蝶

唐  
李建勳

粉蝶翩翩若有期，南園常是到春歸。  
閒依柳帶參差起，困傍桃花獨自飛。  
潛被燕驚還散亂，偶因人逐入簾幃。  
晚來欲雨東風急，迴看池塘影漸稀。

蝴蝶

唐  
徐夬



縹緲青蟲脫殼微不堪煙重雨霏霏一枝穠艷留教住  
幾處春風借與飛防患每憂雞雀口憐香偏遠綺羅衣  
無情豈解闌魂夢莫信莊周說是非

其二

拂綠穿紅麗日長一生心事住春光最嫌神女來行雨  
愛伴西施去採香風定只應攢蕊粉夜寒長是宿花房  
鳴蟬宿分殊為潤空解三秋噪夕陽

新蝶

元貢師泰

杏樹生香蠹化成  
向人飛下不勝情  
寒辭薄翅猶粘粉  
暖溢柔鬚始弄晴  
燕舞盤中嫌露重  
鶯歌扇底避風輕  
春閨未解南華夢  
乞與滕王為寫生

睡蝶

元謝宗可

不趁遊蜂上下狂  
閒舒倦翅怯尋芳  
花房舞罷春酣重  
蕙徑棲遲曉夢長  
貪困有誰憐褪粉  
返魂無力去偷香  
漆園傲吏忘形久  
莫到蘧蘧枕上忙

蝶使

謝宗可

頌紅降紫繞芳菲催就東風錦萬機採訪有心香外舞  
指揮無計日邊飛曉穿竹徑應持節暖駐花房欲繡衣  
可解黃華驚別夢折梅休恨寄難歸

蝶

元

馬臻

曾隨秦女踏青陽幾被鶯捎出建章芳草夢寒迷碧色  
杏花雨細宿紅香粉凝薄翅春無力恨入修眉晚斷腸  
寄語莫尋歌舞處五侯門第有高牆

黃蝶

明

瞿佑

誤入蜂房不待媒巧傳顏色換凡胎遠籬野菜留連住  
何處金錢變化來傳粉已知前事錯偷香未信此心灰  
上林鶯過頻回首一色毛衣莫用猜

睡蝶

明  
沈天孫

一夜和風遍海棠家園蝴蝶拂柔桑飛隨芳樹霞衣好  
倦宿琪花粉夢香似與名粧分艷色不堪清露濕秋裳  
因風又度雕闌去却伴遊絲過石梁

五言絕句

崔逸人山亭

唐錢起

藥徑深紅蘚山窓滿翠微  
羨君花下醉蝴蝶夢中飛

晚蝶

唐王建

粉翅嫩如水繞砌乍依風  
日高山露鮮飛入菊花叢

蝶

唐李商隱

孤蝶小徘徊翩翾粉翅開  
併應傷皎潔頻近雪中來

萱草蛺蝶圖

元趙孟頫

叢竹無端綠幽花特地妍  
飛來雙蛺蝶相對意悠然

新蝶

明  
袁  
凱

怯露依芳蕙驚風入繡幃莫將羅扇撲更待滿園飛

盱眙山館

明  
蘇志皋

山館雨初歇。邨園菜正肥。摘花引寒蝶。冉冉過籬飛。

六言絕句

即景

明  
楊  
基

桃花杏花紅白蒲葉芷葉參差飛高飛下蝴蝶行去行來鷺鷥

七言絕句

江畔獨步尋花

唐 杜甫

黃四娘家花滿蹊，千朵萬朵壓枝低。  
留連戲蝶時時舞，自在嬌鶯恰恰啼。

尋花

唐 劉言史

遊春未足春將度，訪紫尋紅少在家。  
借問流鶯與飛蝶，更知何處有幽花。

宮詞

唐 王建

避暑昭陽不擲盧井邊  
含水噴鴉雛內中數日無宣喚  
搦得滕王蛺蝶圖

看花招李兵曹不至

唐元稹

夭桃紅燭正相鮮  
傲吏閒齋每獨眠  
應是夢中飛作蝶  
悠揚祇在此花前

青陵臺

唐李商隱

青陵臺畔日光斜  
萬古貞魂寄暮霞  
莫訝韓憑為蛺蝶  
等閒飛上別枝花



野行

唐 唐彥謙

蝶戀晚花終未去  
鷗逢春水固難飛  
野人心地都無著  
伴蝶隨鷗亦不歸

歌者

唐 司空圖

鶴擎花香搭槿籬  
枕前蟲迸酒醒時  
夕陽自照陶家菊  
黃蝶無窮戀故枝

初夏戲作

唐 徐夔

長養薰風拂曉吹  
漸開荷芰落薔薇  
春蟲已學莊周夢

化作南園蛺蝶飛

蝴蝶

徐夔

不並難飛繭裏蛾  
有花芳處定經過  
天風相送輕飄去  
却笑蜘蛛漫織羅

其二

冉冉雙雙拂畫闌  
佳人偷眼再三看  
莫言短翼飛長近  
試向花間捉也難

其三

栩栩無因繫得他  
野園荒徑一何多  
不聞絲竹誰教舞  
應仗流鶯又唱歌

秋日田園雜興

宋 范成大

橘蠹如蠶入化機  
枝間垂蠶似蓑衣  
忽然蛻作多花蝶  
翅粉纔乾便學飛

春日絕句

宋 陸游

故園蛺蝶最多種  
百草長時花亂開  
窮巷春風元不到  
一雙誰遣過牆來

窓下戲詠

陸游

何處輕黃雙小蝶翩翩與我共徘徊  
綠陰芳草佳風月不是花時也解來

即事

陸游

煙雨淒迷晚不收疎簾曲几寄悠悠  
一雙蛺蝶來何許點盡青青百草頭

平陽書事

金施宜生

春寒窸窣透春水沿路看花緩轡歸  
穿過水雲深密處

馬前蝴蝶作團飛

蝴蝶

元  
戴表元

春山處處客思家  
淡日邛煙酒旆斜  
蝴蝶不知人事別  
繞牆閒弄紫藤花

館內幽懷

元  
郝經

狂花野蔓滿疎籬  
恨殺絲瓜結子稀  
獨立無言解蛛網  
放他蝴蝶一雙飛

東山春景

元  
歐陽元

春光澹澹日遲遲正是名園撲蝶時却憶小橋流水過  
東山春色在桃枝

題吳性存所藏趙仲穆竹枝雙蝶圖與玉山同

賦

元  
張翥

滿叢鮮碧露團香院落春紅過野芳蛺蝶一生花裏活  
飛來還戀竹風涼

竹蝶圖

元  
張憲

落盡春紅春夢熟平沙小苑窓中綠美人睡起背東風

蛺蝶飛來上修竹

漫興

元 楊維禎

今朝天氣清明好  
江上亂花無數開  
野老殷勤送花至  
一雙蝴蝶趁人來

宮詞

明 朱 權

霽天旭日敞金扉  
和氣氤氳滿禁闈  
寶殿晝長簾幙靜  
牡丹花下蝶交飛

秋蝶

明 鎰 渙

欲歇還休却又飛  
芙蓉葉底戀秋暉  
自知翅粉渾銷盡  
羞近樽前舞女衣

暮春

明史遷

綠陰窓下春草碧  
無數柳花吹近床  
一雙蝴蝶總無賴  
飛到小欄還過牆

愚公園春酌

明謝榛

絳桃一簇映斜暉  
白首尋芳幾醉歸  
更有多情雙蛺蝶  
春來還傍菜花飛



春晝

明居節

泥香江暖燕來時  
紅白花深桃李枝  
草色一簾門半掩  
卧看雙蝶趁游絲



御定佩文齋詠物詩選卷四百七十八

# 欽定四庫全書

集部

御定佩文齋詠物詩選卷四百

七十九至  
八十六

詳校官侍郎<sub>臣</sub>李 封

主事銜<sub>臣</sub>徐以坤覆勘

總校官檢討<sub>臣</sub>何思鈞

校對官中書<sub>臣</sub>張曾炳

謄錄監生<sub>臣</sub>李金玉

欽定四庫全書

御定佩文齋詠物詩選卷四百七十九

蜂類

五言古

蜂

梁簡文帝

逐風從泛漾照日乍依微知君不留眄銜花空自飛

五言律

蜂

明俞允文

春晴逢穀雨汎濫繞林篁  
逐醉縈輕袂纏花獵異香  
叢棲懸玉宇疊構隱金房  
靈化知何術神功寄藥王

七言律

蜂房

明瞿佑

牖戶誰教各自開  
花間衙內海潮來  
分門豈慮添丁惱  
釀蜜應防閤課催  
蟻穴尚能藏郡國  
龍宮亦自有樓臺  
書生苦欠立錫地  
憑仗東風為作媒

五言絕句

春曉

唐  
陸龜蒙

春庭曉景列清露花灑迤黃蜂一過慵  
夜夜棲香蕊

蜂

金  
李俊民

弄晴沾落絮帶雨護園花有課常輸蜜  
無春不到衙

六言絕句

夏氏池亭

明  
唐時升

長鑣雷後尋筍短笠雨餘種瓜乳雀欲棲  
畫竹游蜂頻

採瓶花

七言絕句

蜂

唐羅隱

不論平地與山尖，無限春光盡被占。  
采得百花成蜜後，不知辛苦為誰甜。

南谿山居秋日睡起

宋楊萬里

客至從嗔不著冠，起來信手攬書看。  
小蜂得計欺儂睡，偷飲晴窓硯滴乾。

蜂

明郭登

藹藹華華競採花  
蜜房收課作生涯  
知他有甚經綸處  
也向潮時報兩衙

宮詞

明  
仲春龍

曉來別院遞笙歌  
百子池頭長綠荷  
睡起無聊庭下立  
笑拈竿子打蜂窠

御定佩文齋詠物詩選卷四百七十九



欽定四庫全書

御定佩文齋詠物詩選卷四百八十

蜻蜓類

七言律

紅蜻蜓

明瞿佑

蝶粉蜂黃氣正驕，愛渠款款集蘭苕。  
翅攢霜葉飛難定，目聚燈花燄未消。  
偷咀仙霞傳秘訣，戲塗猩血點纖腰。  
寫生好倩昆陵筆，濃蘸胭脂上軟綃。

五言絕句

邨居

明僧通凡

竹間獨立時涼風自相接  
回顧碧池中蜻蜓點萍葉

七言絕句

春詞

唐劉禹錫

新粧宜面下朱樓  
深鎖春光一院愁  
行到中庭數花朵  
蜻蜓飛上玉搔頭

夏日田園雜興

宋范成大

梅子金黃杏子肥  
麥花雪白菜花稀  
日長籬落無人過  
唯有蜻蜓蛺蝶飛

曉坐荷橋

宋 楊萬里

四葉青蘋照綠池  
千重翠蓋護紅衣  
蜻蜓空裏元無見  
只見波間仰面飛

舟中與陳敬初聯句

元 顧瑛

行春橋下看山回

顧瑛

翠幕紅簾面面開

陳基

一夜水

風吹不斷

于立

蜻蜓飛入畫船來

顧瑛

御定佩文齋詠物詩選卷四百八十

欽定四庫全書

御定佩文齋詠物詩選卷四百八十一

蜘蛛類

五言律

蜘蛛

唐元稹

蜘蛛天下足巴蜀就中多縫隙容長踦虛空織橫羅縈  
纏傷竹柏吞噬及蟲蛾為送佳人喜珠櫛無柰何

其二

網密將求食絲斜誤著人因依方託緒挂臂遂容身截  
道彈冠礙漫天湛露頻兒童憐小巧漸欲及車輪

五言絕句

古意

明趙寬

蜘蛛結網疎春蠶成密織密織不上身網疎常得食

七言絕句

新安官舍

唐來鵠

寂寞空階草亂生簾涼風動若為情不知獨坐閒多少

看得蜘蛛結網成

過百家渡

宋楊萬里

柳子祠前春已殘  
新晴特地却春寒  
疎籬不與花為護  
只為蛛絲作網竿

晚興

楊萬里

雙井茶芽醒骨甜  
蓬萊香燼倦人添  
蜘蛛正苦空庭潤  
風為將絲度別簷

宿孔鎮觀雨中蛛絲

楊萬里

雨罷蜘蛛却出簷網絲少減再新添莫言辛苦無功業  
便有飛蟲密處黏

其二

網羅最巧是蛛絲却被秋蚊聖得知黏著便飛來不再  
蛛絲也解有疎時

題院壁

明僧永瑛

自愛青山常住家銅餅閒煮壑源茶春深白日巖扉靜  
坐看蛛絲罨落花





御定佩文齋詠物詩選卷四百八十一

欽定四庫全書

御定佩文齋詠物詩選卷四百八十二

螢類

四言古

螢火贊

晉  
郭璞

熠燿宵行蟲之微么出自腐草煙若散漂物之相煦孰  
知其陶

五言古

詠螢

梁簡文帝

本將秋草并今與夕風輕  
騰空類星隕拂樹若花生  
屏疑神火照簾似夜珠  
明逢君拾光采不恡此身傾

詠螢火

梁元帝

著人疑不熟集草訝無煙  
到來燈下暗翻往雨中然

月中飛螢

梁紀少瑜

遠度時依幕斜來如畏窓  
向月光還盡臨池影更雙

照帙秋螢

陳陽縉

秋窓餘照盡入暗早螢來忽聚還同色恒然詎落灰飛  
影黃金散依帷縹帙開含明終不息夜月空徘徊

七言古

炭步港觀螢

宋 孔武仲

九華之南蘆葦長流螢夕起不計雙爛如神仙珠玉闕  
青羅掩暝千明缸空江沈沈未見月近浦穿林起還滅  
魚游鳥宿自不驚我知此火初無情

五言律

秋螢

唐駱賓王

玉虬分靜夜金螢照晚涼  
含輝疑泛月帶火怯凌霜  
散彩縈虛牖飄花遶洞房  
下帷如不倦當解借餘光

螢火

唐杜甫

幸因腐草出敢近太陽飛  
未足臨書卷時能點客衣  
隨風隔幔小帶雨傍林微  
十月清霜重飄零何處歸

夜對流螢作

唐韋應物

月暗竹亭幽螢光拂席流  
還思故園夜更度一年秋  
自

愜觀書興何慚秉燭遊府中徒冉冉明發好歸休

詠螢

唐  
李嘉祐

映水光難定凌虛體自輕夜風吹不滅秋露洗還明向  
燭仍藏焰投書更有情猶將流亂影來此傍簷楹

螢

唐  
周繇

熠熠與娟娟池塘竹樹邊亂飛同曳火成聚却無煙微  
雨灑不滅輕風吹欲燃舊曾書案上頻把作囊懸

螢

唐  
羅隱

空庭夜未央  
點的度西牆  
抱影何卑細  
乘時忽發揚  
不  
思因腐草  
便擬倚孤光  
若道通文翰  
車公業豈長

詠螢

明僧德祥

念爾一身微  
秋來處處飛  
放光唯獨照  
引類欲相輝  
白  
髮嫌催節  
青燈妬入幃  
老僧無世相  
容得繞禪衣

七言律

見螢火

唐杜甫

巫山秋夜螢火飛  
簾疎巧入坐人衣  
忽驚屋裏琴書冷



復亂簷前星宿稀却繞井闌添個個偶經花藥弄輝輝  
滄江白髮愁看汝來歲如今歸未歸

螢

唐  
徐夔

月墜西樓夜影空透簾穿幕達房櫳流光堪在珠璣列  
為火不生榆柳中——點通黃卷字輕輕化出綠蕪叢  
欲知應候何時節六月初迎大暑風

螢燈

元  
謝宗可

微熒閃閃拂晴波幾度黃昏誤舞蛾銀粟無煙棲碧蘚

玉蟲留影綴青莎  
秋空雨歇寒光墮  
晚徑風閒冷燼多  
欲喚紗囊車武子  
為渠還賦短檠歌

螢火

明朱之蕃

中宵露坐數飛螢  
隱暎牆陰復廣庭  
風動花林生野燒  
池搖雲影度疎星  
天街扇撲流光亂  
書屋囊開夜色青  
乘化未容隨草腐  
非關慧質弄惺惺

五言絕句

詠螢

唐虞世南

的歷流光小飄飄弱翅輕恐畏無人識獨自暗中明

詠螢火示情人

唐李百藥

窓裏憐燈暗階前畏月明不辭逢露濕祇為重宵行

秋夜喜遇王處士

唐王績

北場芸藿罷東臯刈黍歸相逢秋月滿更值夜螢飛

詠螢火

唐韋應物

時節變衰草物色近新秋度月影纔斂繞竹光復流

七言絕句

螢

唐 郭震

秋風凜凜月依依飛過高梧影裏時處暗若教同衆類  
世間爭得有人知

夏夜登南樓

唐 賈島

水岸寒樓帶月躋夏林初見岳陽谿一點新螢報秋信  
不知何樹是菩提

螢

唐 羅鄴

水殿清風玉戶開飛光千點去還來無風無月長門夜

偏到階前照綠苔

其二

徘徊無燭冷無煙  
秋徑莎庭入夜天  
休向書窓來照字  
近來紅蠟滿歌筵

寓壺源僧舍

宋

吳儆

悶來掩卷已三更  
風露涓涓月滿庭  
閒撲流螢衝暗樹  
危梢點點墮寒星

玉清夜歸

宋

趙師秀

巖前未有桂花開  
觀裏閒尋道士來  
微雨過時松路黑  
野螢飛出照青苔

秋夕

金  
吳 激

風螢開合度松陰  
松下蕭然倦客心  
幾點青光照涼夜  
何時遠寺得幽尋

即事

金  
劉 昂

雨洗明河畫扇收  
胡牀露坐藥欄秋  
牆陰未得中庭月  
一點螢光草際流

酬秦仲納涼

元張端

池上尋詩繞百回  
何須東閣對官梅  
靜中賞識人知少  
一個山螢度水來

夜過張子不值

明皇甫汈

偶隨明月過君家  
幽徑無人自落花  
書帙亂拋青玉案  
尚餘螢火挂窓紗

螢

明郭登

腐朽如何不自量  
化形飛起便悠揚  
臍間只有些兒火

月下星前少放光

即席贈薛之翰

明  
謝榛

園花尊酒日相期共爾流連欲暮時  
倚醉山亭歌楚調  
秋螢飛過石榴枝

閒居雜興

明  
顧大典

坐來黃葉滿漁磯小閣疎燈對掩扉  
竹覆古牆經雨暗  
夜分時復見螢飛

宮詞

明  
王叔承



西清環珮水泠泠片月初生雲母屏  
却遇玉真公主到  
碧螢飛照藥珠經

御定佩文齋詠物詩選卷四百八十二

欽定四庫全書

御定佩文齋詠物詩選卷四百八十三

促織類

絡緯同

七言古

附長短句

促織鳴

元  
陳高

促織鳴鳴唧唧嬾婦不驚客心悽惻秋夜月明露如雨  
西風吹涼透絺苧嬾婦無裳終懶織遠客衣單恨砧杵  
促織促織無復悲鳴客心良苦嬾婦不驚

絡緯詞

明張弼

絡緯不停聲從昏直到明不成一絲縷徒負織作名蜘蛛聲寂寂吐絲復自織織網網飛蟲飛蟲足充食事在力為不在聲思之令人三歎息

絡緯吟

明貝翔

高城月白風淒淒夜聞絡緯迎秋啼初驚楊柳玉樓外又過梧桐金井西一絲不斷抽寒露宛轉猶悲歲年暮機中少婦暗投梭愁絕寒窓不成素

五言律

促織

唐杜甫

促織甚微細哀音何動人草根吟不穩牀下夜相親  
久客得無淚故事難及晨悲絲與急管感激異天真

促織

金周昂

促織來何處秋風暗與期苦吟人不解多恨爾何知  
獨枕難安夜寒衣欲及時凌晨攬清鏡一半忽成絲

舟夜聞絡緯

明王醇

漸傷空杼軸為響亦徒然汝力雖無惜客衣曾未全殘  
燈孤舫思秋草半江煙獨不關心者篙師正倦眠

七言律

促織

明

朱之蕃

閒階聲徹瑣窓中暗送梧桐落葉風高韻不緣矜戰勝  
微吟端欲助機工雨餘切切昏鐘動燈下叨叨午漏通  
催得匹成輸稅早貽人安枕不言功

絡緯

朱之蕃

誰遣縑車徹夜鳴頻催雲錦織當成送來枕上縈詩思  
聽向牀頭繫旅情露濯籬英增絢爛風傳鄰杵和淒清  
冰蠶甕蛩知難覓何似秋蟲巧弄聲

戲題鬪促織

明張維

自離草莽得登堂賢主恩優念不忘飽食甕城常養銳  
怒臨沙塹敢摧強敵聲夜振鬚仍奮壯氣秋高齒漸長  
眼底孽餘平剪後功成誰復論青黃

五言絕句

促織

宋蘇軾

月叢號耿耿露葉泣溥溥夜長不自暖那憂公子寒

促織

元郝經

亂聒霜前夜忙催機上秋無衣汝何益重作旅人愁

吳子夜四時歌

元楊維禎

秋風吹羅帷玉郎思寄衣多情雙絡緯啼近妾寒機

秋夜

明僧文貞

露氣夜淒迷空庭絡緯啼被他風引去忽過竹門西



七言絕句

促織

唐張喬

念爾無機自有情，迎寒辛苦弄梭聲。  
椒房金屋何曾識，偏向貧家壁下鳴。

宿石門山居

唐雍陶

窓燈欲滅夜愁生，螢火飛來促織鳴。  
宿客幾回眠又起，一谿秋水枕邊聲。

山間秋夜

宋真山民

夜色秋光共一闌  
飽收風露入脾肝  
虛簷立盡梧桐影  
絡緯數聲山月寒

宮詞

宋  
花藥夫人

金井秋啼絡緯聲  
出花宮漏報嚴更  
不知誰是金鑾直  
玉宇沉沉夜氣清

絡緯

明  
邾經

牽牛風露滿籬根  
淡月疎星夜未分  
燈下有人拋錦字  
機絲零亂不成文



御定佩文齋詠物詩選卷四百八十三

欽定四庫全書

御定佩文齋詠物詩選卷四百八十四

蠹魚類

五言律

詠壁魚

唐  
李遠

鱗細粉光鮮  
開書亂眼前  
透窓疑漏網  
落硯似流泉  
潛穴河圖內  
吞鉤乙字邊  
莫言髻鬣小  
食盡白蘋篇

再任後遣模歸按視石林

宋  
葉夢得

插架環千軸傳家有舊書展舒慚几案涼曝闕庭除破  
屋方懸溜殘編足蠹魚好須重檢校局璫莫令疎

五言絕句

秋齋為周彥通題

明  
林俊

暑伏涼又生蟲吟葉已故壯日苦不常翻書落寒蠹  
七言絕句

松下遲楊君謙不至

明  
朱存理

松下繙書坐石牀書魚晴落硯波涼須臾月出照書上

歷歷蠅頭字幾行

寄秘書直長夏祥鳳

明僧德祥

得見人間未見書  
朝朝暮暮玉階除  
心如一寸芸香草  
長與君王辟蠹魚

御定佩文齋詠物詩選卷四百八十四



欽定四庫全書

御定佩文齋詠物詩選卷四百八十五

蚊蠅類

五言古

蚊蠅

唐

白居易

巴徼炎毒早二月蠅蚊生啞膚拂不去遠耳薨薨聲斯  
物頗微細中人初甚輕如有膚受譖久則瘡痂成痂成  
無奈何所要防其萌麼蟲何足道潛喻傲人情

秋蠅

宋 鄒浩

秋風快如刀著木木欲折  
蕃鮮轉淒淒入眼無一悅  
青蠅獨何為飛鳴猶未滅  
造化本無私爾生亦偶竊  
念方三伏中日車午停轍  
下照人世間何異紅爐熱  
勁鳥倦戢翼獐獸喘吐舌  
惟人於此時體懈劇疲荼  
虛堂幸可逃枕簟隨意設  
好睡邊韶同素嬾嵇康埒  
更此值清涼酣寢謂須決  
雙睫纔欲交汗膚遭爾齧  
營營不絕聲宛類讒口哂  
使我寢不安欲息還復輟  
況如一簟貧未能

萬錢歡園蔬薦脫粟杯盤殊減裂雙筋纔欲拈咀嚼遭  
爾餐適從何處來食飲汙修潔使我味不甘欲咽還復  
噎毆除付疲兵祇足增跛蹙宜哉孫權彈為爾情激切  
期望秋風回一掃無餘孽偶此延朝昏勿謂風不烈氣  
候侵凝凜龍蛇且藏穴爾形大豆然豈能堅如鐵

夜坐苦蚊

元  
方 夔

萬物有常理動息隨昏昕區區蟲豸中惡毒無如蚊云  
是鬼母化佛語非傳聞喙尺利芒刺腰圍隱花紋飢尋

飛翅輕飽飲醃顏醺搏噬以自肥乘時鼓妖氛潛伏草  
莽間窺伺日向曛須臾便四出攢集窮崖垠橫空聚復  
散如布鵞鵠軍騰身飛猱捷發喊迅雷礮瞥然闔門戶  
來者何續紛不但入翠幕偏工惱紅裙端坐缺隄障各  
各磨牙齧血肉生咀嚼斑駁瘡與皴如塗辟宮血丹砂  
服兼斤紉扇不住手搖動酸骨筋或時中指麾殷輪血  
朱纁雖能殺一二未足空其羣有來效方畧薙草收藉  
薰延燒煽煙焰殺氣凝陰雲羅空燭鴉隼搜野醺麝麋

醜類盡驅逐暫息猫與獾自從生盤古元氣日磔分有  
生潰亂出甘苦更臭芬而我墮世味未能去羶葷天陽  
爍六合曼膚似遭焚之蟲并搜攪入夜無一傾誰知有  
制伏火攻策奇勲當如運甓法百匝不憚勤事會靡終  
極來者徵吾文

七言古

蚊

明  
袁凱

羣蛇戢戢方鬪爭蝦蟇螻蛄相和鳴百足之蟲行無聲

毒氣著人昏不醒蚊蚋雖微亦縱橫  
隱然如雷吁可驚  
東方日色苦未明老夫閉戶不敢行

七言律

蒼蠅

明  
朱之蕃

生從汙穢忽雄飛  
鼓翅搖脣覓已肥  
剩酒殘羹沾醉飽  
青絲白壁妬光輝  
營營引類來同惡  
戀戀依人不暫違  
驅斥雖嚴還易集  
持將麈尾莫停揮

蠅

明  
張維

呼朋引類競紛然，我房攏擾晝眠。  
鼓翼有聲喧耳畔，側身無賴簇眉邊。  
頻驚栩栩南柯興，始信營營止棘篇。  
揮汗未能操詠筆，任他長劒逐堂前。

五言絕句

蠅

宋 梅堯臣

青蠅何處來，聚集滿盤間。  
誰知腹中物，變化如循環。

七言絕句

佛日山榮長老方丈

宋 蘇軾

日射迴廊午枕明  
水沈消盡碧煙橫  
幽人睡覺無人見  
只有飛蚊繞鬢鳴

暑夕

宋文同

晝蠅方少夜蚊多  
搖脫霜紈奈熱何  
獨向中庭待明月  
滿身清露瀉金波

凍蠅

宋楊萬里

隔窓偶見負暄蠅  
雙腳接掌弄曉晴  
日影欲移先會得  
忽然飛落別窓聲



立春

金

党懷英

水結東谿凍未漪  
風凌枯木怒猶威  
不知春力來多少  
便有青蠅負暖飛

御定佩文齋詠物詩選卷四百八十五

欽定四庫全書

御定佩文齋詠物詩選卷四百八十六

雜蟲類

四言古

螳螂贊

晉

郭璞

螳螂飛蟲揮斧奮臂當轍不迴勾踐是避勇士致斃厲之以義

尺蠖

郭璞

貴有可賤賤有可珍嗟茲尺蠖體此屈伸論配龍蛇見  
歎聖人

五言古

答柳柳州食蝦蟇

唐韓愈

蝦蟇雖水居水特變形貌強號為蛙蛤於實無所校雖  
然兩股長其奈脊皴炮跳躑雖云高意不離潭淖鳴聲  
相呼和無理祇取鬧周公所不堪灑灰垂典教我棄愁  
海濱恒願眠不覺叵堪朋類多沸耳作驚爆端能敗筌

磬仍工亂學校雖蒙勾踐禮竟不聞報效大戰元鼎年  
孰強孰敗橈居然當鼎味豈不辱釣罩余初不下喉近  
亦能稍稍常懼染蠻僇失平生好樂而君復何為甘食  
比豢豹獵較務同俗全身斯為孝瞿然思慮深未見許  
迴權

七言古

附長短句

蠍虎

宋  
蘇軾

黃雞啄蠍如啄黍窓間守宮稱蠍虎暗中繳尾伺飛蟲

巧捷工夫在腰脅跂跂脈脈善緣壁陋質從來誰比數  
今年歲旱號蜥蜴狂走兒童鬧歌舞能銜渠水作冰雹  
便向蛟龍覓雲雨守宮努力搏蒼蠅明年歲旱當求汝  
二蟲

蘇軾

君不見水馬兒步步逆流水大江東流日千里此蟲趯  
趯長在此又不見鷄濫堆決起隨衝風隨風一去宿何  
許逆風還落蓬蒿中二蟲愚智俱莫測江邊一笑無人  
識

五言律

蛸蜂

唐  
元稹

梨笑清都月

京師開元觀  
多梨花蜂

蜂遊紫殿春  
構脾分部伍  
嚼

藥奉君親翅羽頗同類  
心神固異倫  
安知人世裏不有  
挾鉤人

蟆子

元稹

有口深堪異趨時詎可量  
誰令通鼻息何故辨馨香  
沈水來滄海  
崇蘭泛露光  
那能枉焚熱  
爾衆我微茫

浮塵子

慕類也巢  
巴蛇鱗中

元稹

可歎浮塵子纖埃喻此微寧論隔紗幌并解透綿衣有  
毒能成瘡無聲不見飛老來雙眼暗何計辨雰霏

蝨

元稹

千山谿沸石六月火燒雲自顧生無類那堪毒有羣搏  
牛皮若截噬馬血成文蹄角尚如此肌膚安足云

蟋蟀

元  
僧善住

西風吹蟋蟀切切動哀音易入愁人耳難驚嬾婦心寒



燈孤館外秋雨古城陰聽極無由寐終宵費苦吟

七言律

草蟲

唐  
李咸用

如縵如織暮幽幽應節催年使我愁行客語停孤店月  
高人夢斷一牀秋風低蘚徑疑偏急雨咽槐亭得暫休  
須付畫堂蘭燭畔歌懷醉耳兩悠悠

螳螂

明  
朱之蕃

昂頭雙眼睽林明會出當車奮臂行利口信難防雀啄

狂鳴端是惱蟬聲  
蓬蒿滿徑堪葶息  
榆柳成陰寄化生  
靜默非關能養勇  
慕羶羞與蟻爭衡

紡織婆

朱之蕃

漚麻曝絮歲功成  
蟲語潛催布縷征  
籬落聲宏眠詎穩  
草叢音切聽偏傾  
連絲欲伴孤燈炯  
悽惻還偕細雨鳴  
幾度停車增悵結  
悠悠不斷似離情

五言絕句

春夜裁縫

唐

薛維翰

珠箔因風起飛蛾入最能不教人夜作方便撲明燈

天水牛

宋蘇軾

兩角徒自長空飛不服箱為牛竟何事利吻穴枯桑

蝸牛

蘇軾

腥涎不滿殼聊足以自濡升高不知回竟作粘壁枯

鬼蝶

蘇軾

雙眉卷鐵絲兩翅暈金碧初來花爭妍忽去鬼無迹

春日閒居

明錢宰

霽日簷牙落光風瓦上生  
草晴跳蚱蜢花暖困狸狌

七言絕句

禽蟲

唐白居易

蠶老蠶成不庇身  
蜂飢蜜熟屬他人  
須知年老憂家者  
恐是二蟲虛苦辛

禽蟲

白居易

焦螟殺敵蚊巢上  
蠻觸交爭蝸角中  
應似諸天觀下界  
一微塵內鬪英雄

元處士池上

唐 溫庭筠

蓼穗菱叢思蠅蛄  
水螢江鳥滿煙蒲  
愁紅一夕風前落  
池上秋波似五湖

偶題

唐 司空圖

遼陽音信近來稀  
縱有虛傳逼節歸  
永日無人新睡覺  
小窓晴暖蛺蝶飛

涼榭池上

宋 韓琦

病襟思適繞東塘  
水荇初花吐嫩黃  
行到老樗陰下坐

兒童爭喜拾紅娘

過陂子徑五十餘里喬木蔽天遣悶七絕

錄一

宋

楊萬里


草光葉潤亦清嘉  
翠裏生香不是花  
一事說來人不信  
蕨長如樹蚓如蛇

詠蟋蟀

元

趙沔

赤翅晶熒何處歸  
秋來清響傍庭闌  
莫言微物無情意  
風虎雲龍共一機



御定佩文齋詠物詩選卷四百八十六